

Sámi dálkkádatráđi lahtuid ohcan álggahuvvui

Birasministeriija bivdá sámedikkis, allaskuvllain ja dutkanlágádusain sihke dálkkádatpanelas lahttoevttohusaid sámi dálkkádatráđái. Maŋgel rahppojuvvojit ohcamat maid dálkkádatpanela ja luonddupanela lahttun.

Sámi dálkkádatráđi ásahuvvo vuosttaš háve ođđa dálkkádatlága sihke dálkkádatpanela ásahusa vuodul. Sámi dálkkádatráđi bargun lea buvttadit sápmelaččaid diehtovuodu ja oaidninvugiid dálkkádatpolitihka válmastallama oassin.

Dálkkádatráđis lea ságadoalli, várreságadoalli sihke eanemusat logi eará lahtu. Unnimusat bealli lahtuin fertejit leat sámi árbevirolaš dieđu eaiggádat. Eará lahtut ovddastit birasdiehtagiid dehe eará guovddáš dieđasurggiid.

Birasministeriija lea sádden bivdaga lahtuid evttoheamis sámediggái, universitehtaide, stáhta dutkanlágádusaide, dálkkádatráđi bargguid dáfus guovddáš ámmátallaskuvllaide sihke Suoma dálkkádatpanelii. Sámediggi sáhtta evttohit lahttun árbevirolaš dieđu eaiggádiid, allaskuvllat ja universitehtat sáhttet bealiteaset evttohit dálkkádatráđái dutkilahtuid.

Organisašuvnnat galget doaimmahit iežaset čohkkejuvvon evttohusaid dálkkádatráđi lahttun birasministeriijai **2.6.2023 rádjái**. Ásahanmearrádusa dahká stáhtaráđđi birasministeriija evttohusas ja ulbmilin lea, ahte sámi dálkkádatráđi ásahuvvo geasi 2023 áigge.

[Dálkkádatpanela ja luonddupanela lahttoohcan rahpasa giđa ja geasi áigge](#)

Sámi dálkkádatráđi lassin birasministeriija lea almmustuhttime giđa ja geasi áigge ohcamiid Suoma dálkkádatpanela ja Suoma luonddupanela lahttun. Goappánai panela njealjejahkásaš áigodat nohká jagi loahpas.

Bivdda lahttoevttohasaid nammadeamis dálkkádatpanelii sáddejuvvo allaskuvllaide ja dutkanlágádusaide miessemánu áigge. Bivdda lahttoevttohasaid nammadeamis luonddupanelii sáddejuvvo dutkanlágádusaide maŋemusat borgemánus.

Allaskuvllat ja dutkanlágádusat sáhttet evttohit lahttun mángga evttohasa hávális. Sámi dálkkádatráđi, dálkkádatpanela ja luonddupanela lahttuvuodas beroštuvvan ohccit sáhttet bivdit ohcanáššegirjiid iežaset organisašuvnna registrerendoaimmahagas.

Suoma dálkkádatpanela ja Suoma luonddupanela ásahuvvojit ođđa áigodahkii jagi 2023 loahpa rádjái.

Lassidieđut:

Karin Cederlöf (sámi dálkkádatráđđi)

Ráđdehusčáli

Birasministeriija

t. 0295 250 010

karin.cederlof@gov.fi

Heta-Elena Heiskanen (Dálkkádatpanela)

Sierraáššedovdi

Birasministeriija

t. 0295 250 380

heta-elena.heiskanen@gov.fi

Suvi Borgström (luonddupanela)

Sierraáššedovdi

Birasministeriija

t. 0295 250 342

suvi.borgstrom@gov.fi